

奉天通志

第五畧之四

奉天通志卷六十七

山川志

古者大夫有九能以能說山川居其一山川之見重於世其來舊矣山海經海內東經曰潦水出衛臯東潦水者卽水經注之大遼水也此言遼東山川之最古者說水之書以水經注爲可據所載大遼水卽今遼河小遼水卽今渾河大梁水卽今太子河白狼水卽今大凌河皆在今奉省域內而奉省諸水亦以遼河爲大往籍所載不可誣也近世紀載山川之書有李誠之萬山綱目齊召南之水道提綱李氏之書綱羅雖富而條理欠密惟齊氏之書疏列水道脈絡分明足以上繼水經今輯奉省山川山系固無所承而水系必以齊書爲本明矣盛京舊志山川一目頗傷疏略近年各



縣方志次第成書其於山川脈絡未能穿貫固難深責卽於名稱方位里至亦復語焉不詳甚矣哉能說山川之難也談山川者載籍以外尤資於圖按圖而尋然後脈絡分明如指諸掌往者東三省測量局所繪奉省地圖號爲精密茲疏諸水悉以是圖爲準再證以齊氏之書及各縣志則已十得八九矣蓋考定山川脈絡分則難治合則易明今取諸書所載山川之名纖悉畢陳羅於一案幹源所發枝流所暢悉可窮源竟委得其條理如遼左諸山之脈必宗長白而鳴綠松花諸水亦必導源於是語曰振裘者必挈其領此之謂也抑又聞之郡邑有遷變而山川無改易凡郡邑有遷變而難定其所在者當以山川方位定之此說山川之可貴又其顯然者矣述山川志第四凡得二十卷

山川一

山系一

總論

長白山系上

奉省山脈遠起於崑崙之北支自綏遠大青山迤邐而東沿察熱二省邊境東北走至蘇克斜魯山分南北二幹其南出者爲陰山山系蔓延於遼西一帶卽松嶺山脈其北走者至奉天與黑龍江熱河交界處曰索岳爾濟山

東三省紀略東三省疆域廣大羣山糾紛尋其脈絡殆爲崑崙

山脈最東之一部蓋陰山之脈

崑崙山脈自托古茲達巴分一支東北行曰阿爾金山至甘肅

青海界止曰祁連山又東曰陰山

自直隸邊外北走越內蒙古入黑

龍江省而爲內興安嶺之脈

東北輿地釋略長白山脈來自綏遠城北之大青山卽陰山也

自綏遠城東北折而南出經代哈泊西又南至寧遠廳境入朔平府境山西全省及直隸省渾河以西諸郡縣皆其支麓統名之曰管涔山脈太行山脈亦由管涔別出與居庸山脈支分脈別宋人以居庸爲太行北出之脈甚誤因山後諸州皆爲遼有不能親歷目驗之故

新唐書天文志一行以爲天下山河之象存乎兩戒北戒自三危積石負終南地絡之陰東及太華逾河並雷首底柱王屋太行北抵常山之右乃東循塞垣至濊貊朝鮮是謂北紀按長白山之西南支吉林哈達山脈與遼西松嶺山脈遙相聯絡足爲一行東循塞垣至濊貊朝鮮說作一鐵證

索岳爾濟山爲西興安嶺之起點一稱內興安嶺北走爲伊勒呼



里山脈東南折爲東興安嶺橫亙於黑龍江北部其脈蟠結於松花江左岸

東三省紀略西興安嶺其脈遠接於陰山山脈從喀喇山起

直隸

邊外內地蒙古

東北走遼河之源更北爲蘇克斜魯山當江省西南界

上起頂爲索岳爾濟山山之東爲洮兒河之源其西則哈爾哈

河之源也更北爲巴彥哈拉山爲額伯爾嶺爲室韋山爲雅克

山自雅克山北連峯疊巘綿亙六七百里統稱西興安嶺最高

處曰伊克古克達

譯言大嶺

又伊勒呼里山脈其南端連於西興安嶺之伊克古克達一支其幹脈之東端則與東興安嶺相連

又東興安嶺山脈此山脈綿亙於江省之東部其北端接於伊

勒呼里山脈曰庫穆爾山迤東南爲布倫山

譯言青嶺

亦稱小興安

嶺布倫山以南其脈蟠結於松花江左岸界於吞河呼蘭河之間稱吞彌窩集其幹脈則由布倫山東走爲佛思亨山

東北年鑑陰山旣入熱河省境沿察哈爾熱河省邊境而東北走曰蘇克斜魯山更北至黑遼熱三省界境曰索岳爾濟山至此始名西興安嶺爲內興安嶺山脈之起點內興安嶺者所以別於外興安嶺而言故西興安嶺伊勒呼里山東興安嶺之三者咸稱爲內興安嶺山脈焉更北爲巴彥哈拉山爲額白爾山室韋山雅克山伊克古克達山自伊克古克達山以北曰伊勒呼里山

又伊勒呼里山之幹脈則自伊克古克達山直走東北轉向東

南爲呼瑪爾河及嫩江之分水嶺

又東興安嶺山脈自伊勒呼里山之東端庫穆爾山轉折東南下蜿蜒於黑龍江與嫩江之間曰東興安嶺山脈再東南爲布倫山亦稱小興安嶺幹脈由布倫山東走爲佛思亨山最東低落於松花江與黑龍江合流之黑河口與長白系之東北支完達山脈相望

東北興地釋畧自大青山東出至多倫諾爾東北入巴林旗界起興安嶺自興安嶺北出迤東經達里泊之東

魏源元史新編  
應昌路答爾

海子在今達里泊西北

百餘里迤東北行又北起阿爾噶靈圖山又北經

察罕城之西折而東經察罕城之北迤東北行爲海喇哈山又東北爲哈祿那太山迤西北行折而東爲蘇克蘇魯山又東爲



奇勒巴爾罕山折而南爲拉馬依馬哈拉嶺迤東南爲盍騰嶺  
又東南爲几爾有兒山至此入科爾沁界其由奇勒巴爾罕山  
北出之幹卽北起索岳爾濟山迤東北行起內興安嶺之幹脈  
也

松花江右岸爲完達山脈西南接長白山系直走遼東半島故有  
謂長白山系北起於東興安嶺其脈伏於松花江底西南則由遼  
東半島渡渤海至登州起陸西走而結泰山此一說也

東三省紀略內興安嶺之脈復南渡松花江蟠結於奉天吉林

兩省之間爲長白山脈更由遼東半島渡直隸海峽

海中廟島十五羣

脈卽其過處也至登州起陸西走而結泰山

又東興安嶺山脈由布倫山東走爲佛思亨山佛思亨山脈最

東低落於松花江與黑龍江之會口其脈伏行松花江底而南與長白山脈之完達山相連

東北年鑑東北山脈應以兩大山系分別說明卽自西南以迄東北環爲疊障之陰山山系及由東北而趨西南互若長屏之長白山系是也茲二山系就以往地學家之說明謂並出於蔥嶺之崑崙北支以祁連賀蘭諸山由陰嶺以入東北境內之熱河省東趨者爲松嶺山脈東南下者爲燕山山脈西北趨者爲西興安嶺山脈伊勒呼里山脈更轉而東南爲東興安嶺山脈東興安嶺之東南端則接於完達山脈與長白山系相聯屬小白山脈吉林哈達山脈千山山脈并由此出千山之脈更渡渤海而爲山東省之勞山與泰山焉



或有懷疑於山脈渡江渡海之說者謂白蘇克斜魯山東走爲奇勒巴爾罕山迤邐東行夷爲平岡土阜沿東西遼河之北岸接吉林哈達山脈更東卽長白山此又一說也

東北輿地釋略長白山與內興安嶺之分支各出由奇勒巴爾

罕山而分兒爾有兒山

見前

又東南經大布蘇圖泊之東經西訥

郭特爾站達賴哈克站之間迤東南行六七百里夷爲平岡土

阜經奉天昌圖廳北境東遼河之北吉林長春府之東南折而

南入柳邊伊通門起勒克山

自蓋騰嶺迤南漸低平至此復起大山蓋大幹度峽往平洋百

里無跡可尋實則界水高低西南行百餘里迤東入圍場從此分

省一支爲吉林又南爲岱揚阿登山經胖色城西從此西分一之

幹又南爲戈爾敏朱敦嶺折而東爲伊爾哈牙範山

山南入鴨綠江山

松北  
花江入

迤東北爲黑林嶺

即依爾哈牙之連嶺

又東折而南爲裴得里

山又東卽長白山

又近人合肥徐曦東三省紀略謂內興安嶺山脈南渡松花江  
蟠結於吉林奉天兩省之間爲長白山脈更由遼東半島渡直  
隸海峽至登州起陸西走而結泰山其言山脈渡江之處則指  
松花江與黑龍江之會口其脈伏於松花江底而南與長白山  
脈之完達山相連徐氏此言殊爲失理按其所謂完達山脈實  
長白山東出之支介居烏蘇里江牡丹江二水之間指爲長白  
來脈失之顛倒至由登州起陸爲泰山之說蓋不始於徐氏惟  
徐氏既有渡江之臆說故不疑渡海之誤言考渡海之說實因  
求泰山來脈不得故疑爲渡海而來不知古昔黃河本自析津



入海泰山之脈來自嵩山亦是穿平原而渡峽後世溝洫四通  
黃河南徙泰山之脈乃爲河流隔斷桂未谷嘗論及之惜尙未  
盡得其故詳余所著泰山來脈考中明乎此則山脈穿江越海  
之說可以決知其不然矣

按泰山之龍發脈長白其說始自清世祖章皇帝並非始自徐曠也

懷德縣志懷境乃一分水嶺也長春之水東北流注松花江懷  
德之水西注遼河而入海當奉吉兩省之交而水勢劃分若天  
然者亦一奇也

東三省紀略吉林哈達山脈北走一支界於遼河松花江之間  
與遼河西岸之松嶺山脈遙相聯絡

東北年鑑或則謂陰山之脈聯於長白不屬於東興安嶺而爲  
松嶺東端之法庫山與吉林哈達嶺之西走一支於鐵嶺縣城

# 東遙連

按以上二說謂長白山脈與松嶺山脈越遼河相接與東北與地釋略之由遼河北岸銜接者不同故不能自圓其說

二說各能持之有故頗滋聚訟然以奉省羣山而論長白山雄踞東北蔚爲岱宗醫巫閭山松嶺山脈屹立西南歷朝重鎮故茲志以長白山系松嶺山脈分述而以西興安嶺山脈之延及西北境內者綴於次焉

東北年鑑茲二說者各能持之有故而亦頗滋聚訟否認第一說者則懷疑於完達山脈與小興安嶺之相接乃渡越松花江之隔阻然而松嶺之入奉天省境起頂爲醫巫閭山固已嘗越大凌河矣懷疑第二說者則以爲平原相望而無脈絡之可尋也試就東北地殼考之則長白山實堪自爲一系長白山猶有



史期以後之火山則其爲褶襞之主動力所在自無疑義當地  
殼冷却之初其由褶襞而成之山脈復緣其推動之力而漸次  
形成故就東北之全部觀關東平原以松花江嫩江遼河之流  
域構成雖長白山最初之推動遠達嫩江與史期以前之火山  
變化關係甚淺不能謂係北部山脈之支脈也故長白山脈東  
爲完達北爲小白南成朝鮮境內羣山爲半島之脊東成吉林  
哈達千山諸脈更由千山山脈低落入海而成山東諸山蔚爲  
岱宗其與陰山山系謂爲對立而不相屬亦自有可存立之理

由矣

按松嶺後大山系二說詳後

## 長白山系上

長白山脈

完達山脈小

長白山古名不咸山

山海經大荒之中有山名不咸在肅慎氏之國

晉書肅慎氏一名挹婁在不咸山北

通典挹婁卽古肅慎其國在不咸山北

太平寰宇記挹婁國在不咸山北夫餘北千里

按通考云在夫餘東北千里

其後或曰太白或曰徒太或曰從太或曰太皇皆此山也

魏書勿吉國南有徒太山魏言太白有虎豹熊狼不害人人不

得山上洩汗行逕山者皆以物盛去

北史靺鞨國南有從太山者

按魏書隋書俱作徒太山通考與此同

華言太皇

按魏

書作太白與此異

俗甚敬畏之人不得山上洩汗行經山者以物盛去

上有熊羆豹狼皆不害人人亦不敢殺



新唐書靺鞨居肅慎地粟末部居最南抵太白山亦曰徒太山與高麗接

又渤海大氏度遼水保太白山之東北阻奧婁河樹壁自固

至金代始稱爲長白

契丹國志長白山在冷山東南千餘里乃白衣觀音所居其山

禽獸皆白

金史女真地有長白山

又昭祖耀武至于白山入于率賓札蘭之地所至克捷還經佛

頁水

又會寧府會寧縣有長白山

又大定十七年省臣奏咸平府路一千六百餘戶自陳皆長白